



D.L.: C 4115-2008



CONCURSO FOTOGRÁFICO

“AGRESIÓN ÁS AUGAS CONTINENTAIS GALEGAS”



Organiza:



Colaboran:



BASES DO CONCURSO

1ª. TEMA / OBXECTO DAS FOTOGRAFÍAS

- Desastres en augas continentais de Galicia (ríos lagoas,...).
- Efectos de actividades humanas que degraden a calidade destas augas e/ou que afecten directamente ao contorno dos ríos e masas de auga doce.

2ª. ÁMBITO TERRITORIAL

As fotografías presentadas deberán estar tomadas nalgún punto da xeografía de Galicia.

3ª. PARTICIPANTES

Poderá participar no concurso calquera persoa, afeccionada á fotografía ou que desexe denunciar por medio fotográfico calquera afección negativa ao medio acuático natural.

4ª. OBRAS E FORMA DE PRESENTACIÓN

Cada participante poderá presentar un máximo de catro fotografías, en branco e negro e/ou en cor, desexablemente en formato non inferior 18 x 24 cm. (por razóns de exposición posterior).

Polo reverso de cada fotografía identificarase o seu autor -con nome, apelidos e teléfono de contacto-, así como a data e lugar en que foi tomada. A estes efectos, indicarse o nome do río/Lagoa afectada, así como o do lugar máis próximo e parroquia e concello ao que corresponde. Asimesmo, prégase a identificación das coordenadas xeográficas U.T.M. (poden ser obtidas mediante consulta do "Sistema de Información Xeográfica de parcelas agrícolas" -SIXPAC-, accesible na páxina web da Xunta de Galiza -<http://www.xunta.es/visor>-).

As fotografías remitiranse por correo á Delegación de ADEGA-Lugo, sita en Ronda das Fontiñas, 180 entrechán B 27002 LUGO, dentro dun sobre pechado, axeitadamente protexidas para evitar que se deterioren na súa manipulación e transporte. Opcionalmente, poderanse entregar en man nas oficinas de ADEGA-Lugo na dirección antedita, de luns a venres en horario de 10:00 a 14:00 e 17:00 a 20:00.

Dentro do sobre introducirase tamén o compromiso de cesión ao que se refire a base 10ª.

5ª. DATA LÍMITE DE PRESENTACIÓN

As fotografías poderanse presentar ata o día 12 de xaneiro de 2009, inclusive.

6ª. XURADO

O xurado estará composto por:

- 1 representante da Consellería de Medio Ambiente.
- 1 representante da Federación Galega de Pescadores.
- 2 fotógrafos de recoñecido prestixio.
- 2 membros de ADEGA.
- 1 representante do deporte náutico galego.

7ª. VALORACIÓN

Valoraranse especialmente as fotografías que expresen dun xeito máis nido ou crú agresións ao medio acuático natural de Galicia.

8ª. FALLO

O concurso resolverase dentro dun prazo de trinta días naturais contados dende a data límite de presentación.

Organizarase un acto de entrega de premios e divulgación xeral do concurso, cuxa data e lugar será debidamente comunicada aos premiados e sociedade en xeral (entroutros medios a través da páxina web de ADEGA, <http://www.adega.info>).

9ª. PREMIOS

Entregaranse cinco premios, a elixir polos premiados seguindo a orde do posto acadado, consistentes en:

- artigos fotográficos (cámara dixital e outros).
- estancia para 2 persoas 2 días no balneario de Lugo (tratamento completo).
- lote de artigos deportivos.
- produtos ecolóxicos (lacteos,...).
- lote de publicacións medio ambiente.

10ª. USO DAS FOTOGRAFÍAS

Para poder concursar, os participantes deberán ceder o uso das fotografías presentadas a ADEGA, que poderá utilízalas, citando ao seu autor, en calquera actividade relacionada cos seus fins (educación ambiental, denuncia administrativa, etc.). A tal efecto, cubrirán o modelo que se acompaña a estas bases.

O material fotográfico presentado ao concurso será exposto en diferentes lugares da xeografía galega.

CESIÓN DE DEREITOS DE USO:

D./D^a.:, con D.N.I. nº e
teléfono, participante no Concurso fotográfico "Agresións ás augas continentais galegas", organizado pola Asociación para a Defensa Ecolóxica de Galiza (ADEGA), pola presente
CEDO o uso das fotografías que presento neste concurso a ADEGA, de xeito indefinido, facultandoa para que as utilice en calquera actividade ou actuación relacionada cos fins desta Asociación. En caso de utilización nalguna publicación impresa ou exposición, ADEGA deberá indicar a autoría da fotografía en lugar claramente visible e inmediato a mesma.

....., de de 20.....

Sinatura

